



TOSHKENT DAVLAT YURIDIK UNIVERSITETI REKTORINING B U Y R U G ' I

2021-yil «4» iyun

08-147 -son

Тошкент давлат юридик университетида чет тилларини ўрганишни янада такомиллаштириш тўғрисида

Ўзбекистон Республикаси Президентининг 2021 йил 19 майдаги “Ўзбекистон Республикасида хорижий тилларни ўрганишни оммалаштириш фаолиятини сифат жиҳатидан янги босқичга олиб чиқиш чора-тадбирлари тўғрисида”ги ПҚ–5117-сон қарори, 2021 йил 6 майдаги чет тилларини ўрганишни такомиллаштириш масалалари бўйича видеоселектор йиғилишида берилган топшириқлар ҳамда Вазирлар Маҳкамасининг 2021 йил 19 майдаги “Хорижий тилларни ўрганишни оммалаштиришни самарали ташкил этиш чора-тадбирлари тўғрисида”ги 312-сон қарори ижросини, шунингдек, Тошкент давлат юридик университети (кейинги ўринларда – университет) ходимлари ва талабалари томонидан хорижий тилларни мукамал ўрганишни таъминлаш мақсадида

Б У Ю Р А М А Н:

1. Ўзбекистон Республикаси Президентининг 2021 йил 19 майдаги ПҚ–5117-сон қарори, Вазирлар Маҳкамасининг 2021 йил 19 майдаги 312-сон қарори ҳамда Олий ва ўрта махсус таълим вазирининг 2021 йил 21 майдаги 231-сон ва 2021 йил 31 майдаги 242-сон буйруқлари маълумот ва ижро учун қабул қилинсин.

2. Университет хорижий тиллар ўқитувчилари учун хорижий тилларни ўзлаштириш даражаси бўйича қуйидаги талаблар белгиланганлиги инобатга олинсин:

2022/2023 ўқув йилидан бошлаб, университетнинг хорижий тиллар ўқитувчилари лавозимларига ишга янги қабул қилинаётган талабгор камида

В2 даражадаги миллий ёки унга тенглаштирилган мос даражадаги халқаро сертификатга эга бўлиши;

2022/2023 ўқув йилига қадар университетда фаолият юритаётган барча хорижий тиллар ўқитувчилари камида С1 даражадаги миллий ёки унга тенглаштирилган мос даражадаги халқаро сертификатга эга бўлиши лозим;

2024/2025 ўқув йилига қадар университетда фаолият юритаётган касбий фанлар (хорижий тилдан ташқари) ўқитувчиларининг 50 фоизи камида В2 даражадаги миллий ёки унга тенглаштирилган мос даражадаги халқаро сертификатга эга бўлиши лозим.

3. Молия-иқтисод ишлари бўйича проректор вазифасини бажарувчи А.Иминов 2021/2022 ўқув йилидан бошлаб С1 ва ундан юқори даражадаги миллий ёки унга тенглаштирилган мос даражадаги халқаро тан олинган сертификатга эга хорижий тиллар ўқитувчиларига уларнинг базавий тариф ставкасига нисбатан ҳар ойлик устама ҳақи тўлаб борилиши бўйича таклиф киритсин ҳамда С1 даражадаги халқаро сертификатни олиш учун имтиҳон топшириш билан боғлиқ харажатлар университетнинг бюджетдан ташқари маблағлари ҳисобидан қопланишини таъминлаш чораларини кўрсин.

4. Илмий ишлар ва инновациялар бўйича проректор Н.Салаев Магистратура ва сиртки таълим факультети (А.Бабаджанов) билан биргаликда 2022/2023 ўқув йилидан бошлаб университетнинг магистратура мутахассисликларига ҳамда олий таълимдан кейинги таълим ихтисосликларига танловларда В2 даражадаги миллий ёки унга мос даражадаги халқаро сертификатга эга шахслар иштирок этиши тартиби жорий этилиши эътиборга олсин, шунингдек, қонунчилик ҳужжатларига зарур ўзгартириш ва қўшимчалар киритиш бўйича таклифлар ишлаб чиқилиши ва ўрнатилган тартибда киритилишини таъминласин.

5. Факультет деканлари (Ш.Сайдуллаев, Д.Камалова, Б.Ходжаев, К.Ҳакимов, А.Бабаджанов) Ўқув-услубий бошқарма билан биргаликда **бир ой муддатда** таълим йўналишлари ва мутахассисликлари ўқув режаларини қайта кўриб чиқсин ва уларда чет тили фанлари улушини ошириш ҳамда танлов асосида иккинчи хорижий тилни ўзлаштириш имконияти берилишини таъминлаш бўйича таклифлар киритсин.

6. Проректорлар А.Иминов, И.Рустамбеков, Д.Умаров, Н.Салаев 2021 йилнинг якунига қадар университетда давлат-хусусий шериклик асосида ўқитувчи ва талабаларга хорижий тилларни ўқитиш марказлари (курслари)ни ташкил этиш бўйича таклифлар киритсин.

7. Тошкент давлат юридик университети ҳузуридаги Юридик кадрларни халқаро стандартлар бўйича профессионал ўқитиш маркази

(А.Якубов), Кадрлар бўлими (А.Матмуротов) ва Хорижий тиллар кафедраси (О.Тошматов) доимий равишда:

хорижий тиллар бўйича ўқув машғулотларини олиб бораётган педагог кадрларнинг касбий маҳоратини ошириш чораларини кўрсин;

университет профессор-ўқитувчилари учун хорижий тиллар бўйича малака ошириш курсларини ташкил қилсин.

8. Халқаро ҳамкорлик бошқармаси (О.Якубов) Хорижий тиллар кафедраси (О.Тошматов) билан биргаликда:

нуфузли хорижий олий таълим ва илмий-тадқиқот муассасалари билан ўзаро ҳамкорлик алоқаларини кенгайтириш чораларини кўрсин;

В2 даражадаги миллий ёки унга мос даражадаги халқаро сертификатга эга талаба ва педагогларга етакчи хорижий таълим муассасаларида тил ўрганиш амалиётларини ташкил этиш ва академик алмашинувини ташкил этиш бўйича зарур чораларни кўрсин;

университетда чет тилларини ўқитиш сифатини ошириш мақсадида хорижий тил ва ҳуқуқни ўрганиш марказларини ташкил этиш ҳамда тил эгаси бўлган малакали хорижий профессорларни ўқув жараёнига жалб этиш бўйича таклифлар киритиб борсин.

9. Девонхона (Х.Абдуллаев) мазкур буйруқни университетнинг барча таркибий бўлинмаларига етказсин.

10. Ушбу буйруқнинг бажарилишини назорат қилишни ўз зиммамда қолдираман.

Ректор

Р. Ҳакимов